

Sarajevo 31.10.2022.

# Saopštenje za medije

Kompanija Tech387 otvara prvo poglavlje plaćene prakse za sve ljubitelje tehnologije! Produkt Arena je prvi korak ka zaposlenju u našoj kompaniji. Aplicirati mogu sve osobe koje zanima projekt menadžment, UI/UX dizajn, QA, backend ili full stack development. Iskustvo ovoga puta nije potrebno!

**Produkt Arena** je intenzivna tromjesečna obuka, tokom koje će timovi pripravnika/ca raditi na razvoju aplikacija u stvarnom vremenu, uz vodstvo našihiskusnih mentora.

Cilj prakse je početnicama i početnicima pružiti najbolju šansu za uspješnu IT karijeru. Svi prijavljeni, će bez izuzetka, dobiti priliku da sudjeluju u prvom, online, dijelu obuke! Po završetku online dijela obuke, izvršit ćemo odabir kandidata/kinja koji su pokazali najviše motivacije, inicijative i želje za napretkom te im ponuditi učešće u plaćenom dijelu prakse. Ni to nije sve, svi uspješni kandidati/kinje će nakon završene prakse dobiti priliku za stalno zaposlenje. Osnovne informacije koje bi svi zainteresovani/e trebali znati prije prijave:



Sarajevo



Prevoz osiguran



Plata zagarantovana



Oprema obezbijedena



Krajnji rok za prijavu 18.11.2022.

Denis Berilo, rekao je kako je Produkt Arena ozbiljan program za motivisane pojedince/ke koji su spremni ući u svijet najsavremenije tehnologije.

***“Bez obzira na dosadašnje iskustvo, pozivamo vas da se prijavite za našu plaćenu praksu. Obećavamo da će vam Produkt Arena, ako imate ozbiljne namjere i motivaciju pružiti priliku za uspješnu IT karijeru. Primarni cilj organizacije plaćene prakse je kreiranje novih i motivisanih kadrova za kompaniju Tech387. Svi kandidati/kinje koji ostvare uspjeh tokom prakse dobit će priliku za zaposlenje. O benefitima i atmosferi u našoj kompaniji ovoga puta neću govoriti, jer će svi polaznici Produkt Arene imati priliku da se upoznaju s atmosferom i kolegama u toku trajanja prakse.”***

Prijave ostaju otvorene do kraja radnog dana 18.11.2022. Prijaviti se može putem linka. Nakon zatvaranja prijava, svi kandidati/kinje će dobiti email sa uputama o početku online dijela obuke. Tokom prvog dijela obuke naši mentori vršit će procjenu motivacije, načina rada i brzine usvajanja vještina, na osnovu kojih će biti donesena konačna odluka.

***“Svi će imati jednaku priliku da nam pokažu da žele biti dio našeg tima. Ovo je jedinstvena prilika gdje predznanje ne predstavlja uslov za mjesto na plaćenju praksi, a potom i radno mjesto”***, naglasio je Faruk Ćidić.

Nadamo se da ćete nam pomoći da ova vijest dođe do velikog broja ljudi, kako bismo im dali priliku za bolju budućnost u Bosni i Hercegovini. Video možete pogledati ovdje, a za sve dodatne informacije možete nas kontaktirati.

---

Kontakt osoba:



**Adnana Pidro,**  
Digital Marketing Specialist



+38761306775



apidro@tech387.com